

四庫全書

集部

欽定四庫全書

江湖後集卷二十

宋 陳起 撰

李龔

龔字和父荷澤人家吳興三滙之交不樂仕進
年登耄期自作墓誌未幾死無子趙文曜復為
誌葬之何道兩山之間種梅百株趙德符題碣
曰宋詩人雪林李君之墓按遺書本龔詩止集
句二種曰剪綃集曰梅花衲今葺自永樂大典

中者有吳湖藥邊吟
雪林採蘋吟
雪林撚髭吟
雪林漱石吟
雪林擁蓑吟
仍存其目分編於前
其無標識及賦一首分體附於後

端居寫興

地偏雙耳靜
心近古無懷
掃壁書秋夢
聽鐘辨午齋
貧疎親骨肉
老病瘦形骸
欲買劉伶鍤
教童死即埋

二月二日行藥城下

病懷歡易失
勝踐負流年
行藥到城下
看春立水邊
小

花雙蝶鬧禿樹一鷗眠
絃管同羈旅今辰幾處偏

題瑩講主雲林

聞說有雲林吟人未易吟
無風常滃滃不雨自陰陰
宿鶴秋枝老懸燈夜屋深
雖於朝市遠僧住若為心

貽劉似道

百年能幾日一別又三秋
涉世雖相似成名却不侔
蘋香分旅夢棗色動邊愁
南海曾游處應多異寶收

贈蜀客

萬里潼川路連年沒野蒿君家在何許客寺忽相遭渴
雨秋雲熟窺人夜月高時平歸蜀去應記識吾曹

松邊晚思

小立聽松聲身如海際行認巢飛鳥盡脫雨素蟾生角
動州城遠燈深古巷明一春和病過猶未得心清

道室雨中

無事役長日幽孱掩道房雨蒸吟軸潤雲滃藥爐香黃
螿穿苔走青蛇入竹藏世緣拋似夢還自覺淒涼

春思

一心無外事春思似秋清
掩室惟欹枕看山間出城花
分閒地落筍入斷堦生寂寞
從人笑貧難與命爭

夢遊僊

渺渺僊京到不難夢遊頃刻過
蓬山桃池根暖春常在
桂殿花寒夜弗關
簇仗龍來珠箔捲
奏章人去玉庭閒
塵緣未斷雞聲起
又落黃梁未熟間

寒食日

歌哭相喧熟食邊野原花柳盡生煙身如厄木猶多病
心似寒灰豈欲然鷗鷺乾坤知有我燕鶯日月認誰憐
溪城半掩斜陽暝落得閒愁幾畫船

失題

應是三生愛酒人誤流醉魄入花身風酣日醞微香度
全似偷閒穉氈春

木筆

巧如雞距銳如簪蘸紫濡紅粉不深青帝合教隨侍史

萬花國裏寫春心

緋桃

漢武西池宴未歸
霞妃粲粲弄春機
靚粧似怕東風笑
盡換宮羅五品衣

衣裁絳纈態纖穠
猶在瑤池午醉中
嫌近清明時節冷
趁渠新火一番紅

郁李花

花身合向玉新裁
同是玄元指姓來
拋擲人間春色裏

霞衣小艷亦文哉

聞貴家搗浣

敲風點月重還輕
遊子聞來最動情
峻宇雕牆雲雨外
那知此石有離聲

寓惠日寺

世路兢兢似履冰
得閒何處不輸僧
青山未有投閒地
我亦僧邊寄一燈

題丁吉父梅扇

簾捲春寒月過中
瑣窻風淡暗香濃
橫枝半貼蘭缸影
曾惹佳人繡唾絨

夢回荆溪聞雨

迢迢殘夢太湖西
窻眼未明雞已啼
蕙草無香秋被冷
十年情緒雨淒淒

右吳湖藥邊吟

貽陳體忠

十日不作詩昏昏
如著酒西風吹笛聲
淒然透窻牖
暝

色起煙浦庭梧多空枝因軫故物念暗螢死書帷濡毫
寫中情哀菴沸窮巷藜藿弗滿餐庸兒謂癡蠢天高白
雲遠獨倚臬獺羣蹇步望逸駕衣巾粘垢氛交游日凋
疎芳草積零露薄俗徒云云此意欲誰訴

答江無極

男兒懶種南山豆短褐跋跋走京口一枝彩筆度陽春
五年不飲烏程酒杳眇長堤斷馬蹄吟詩豈為黃金悲
菖蒲花老楓香謝頭上驚霜添暗絲紅雲無光日將暮

半幅離情捲幽素迷魂細雨撲寒空秦淮鯉魚撒波去

東家

東家買金鈿西家買翠鈿雙鬟耀釵澤顏色如春妍朝
開鉛粉匣金翠爭光鮮粧成倚高樓誰不生愛憐君不
見采蘋老人門似水嬌女無錢作梳洗學他隣舍為花
鈿惟將素面貼苔錢

貽張巨濟

上國文游盡見君殊惘然相尋相別日二十二三年紫

陌辭塵佩青門委蠹編詎知歸老地還向岵峯前

贈摘阮道士

下山何處去語別老君前自背一張阮遠登三楚船夜
程依岸並午飯對江蓮若見知音了歸來定絕絃

贈陳籙士

青囊傳寶籙龍虎度師家短褐煙霞滿離山歲月賒不
愁生白髮自解死朱砂遠向華陽去言尋蔡少霞

寄從弟道士惟中

一門羣從葬秋煙奕世儒家失舊種汝昔已工敲月句
而今惟使醮星錢夫差臺榭遊應徧魯望篇章錄想全
古觀燈殘風雨夜可無歸夢入臨川

右雪林採蘋吟

寄餘干鄭丞

君為丞處是吾鄉門對煙霞竹繞墻於越城荒雲樹暗
代陽溪近水苔香的知左宦心應折未必東歸鬢便蒼
若過藏山山下寺松楸憑與問淒涼

貽孫花翁

數寸書空筆拈來直欲焚絕憐吟貌減多為客情分晚
逕飄黃葉秋簷掛白雲因君論一飯千古憶田文

早起

遠鐘雲際斷一雁度殘河閨氣今年正秋聲昨夜多露
花縣萬蔓風葉捲蟲窠坐結西遊恨南隣猶醉歌

寄張公洞黃宮主

春草沒驢肩新吟今幾篇每逢僊友說多在石田邊燕

穴穿平地龍巢出半天常思訪毛節凡骨恐腥羶

說經道者

瀾翻口裏說三車一衲唯披百結麻應笑經僧內供奉
等寒盡著紫袈裟

送柳鍊師歸台山

月照秋塵三丈飛破囊攜藥下黃池
僊家不數人間事
瀑布橋邊憶看碁

是財亦亦月金日

欽定四庫全書

江湖後集
卷二十

誦熟神農本草經
夜深猿鶴亦潛聽
世間三百來般藥
用著鑿人盡有靈

沆瀣壇邊月影寒
朝元多戴薜花冠
俗人或問長生事
教看西風一竈丹

送月窻王敬叔遊武夷

客程遙指建溪行
要踏東風看幔亭
君去莫嫌春色晚
落花一路水苔青

右雪林撚髭吟

題贈高士章少機

度人經注就進罷徑還鄉自說為高士深恩感壽皇斷
琴支醉石寒帽擲吟床八十身猶健元無服食方

右雪林漱石吟

寄國史校勘陳體仁

天祿對藜燈丹鉛照眼明雖稱小朝士不是老書生職
重三場筆官聯六館名懷君既良晤歲久又崢嶸

欽定四庫全書

江湖後集
卷二十

九

高門高掛艾天師玉臂還纏五彩絲我只一杯昌歎酒
義皇窻下讀騷辭

摺疊扇

尺素裁成半葉荷竹批六夾影相羅玉人笑把遮羞面
還向縉邊見笑渦

早起看竹

殺更聲裏亂啼鴉十二屏山捲碧紗海月傾欹光未沒
隔牆猶照紫薇花

節抱秋霜綠玉君一林風月有司存吟邊不領閒公事
報了平安聽掩門

右雪林擁蓑吟

祀神詞

食蘋兮崑崙駕文鯨兮西海登羣王之府兮白雲熊熊
祀司天兮毛米占筵算兮瑤池恍余心兮飄厲旋升兮
軒丘即平圃兮佇眇颯晨風兮丹木聞環玉兮泠泠神
來歸兮洋水舞青鳥兮都庭陳桂尊兮藉白茅申微詞

兮再拜以偃歆余誠兮神何私惟怙終兮拙魯

秋征圖

斷崖兮秋清野橋兮煙橫彼何人兮短褐跨蹇驢兮孤
征登蜀道兮出函谷叫閭闔兮謁承明蘭皋兮芷葺木
涵風兮楚聲渺何之兮不返因有感兮吾生

君子有所思

揚颿越震澤暮上姑蘇臺飛目眺衢市第宅星宮開丹
薨翔虹浦碧戶闔瑤街方泉沼清鏡怪石環蓬萊姬房

儲越女歌院集吳娃涌觴廣遙夜蠟淚球青煤懸景駛
流水安樂難安排堪與金玉身不防熬豹胎石穹雷能
穴樹大風先摧君子哉若人方寸逆自裁

遣興三首

弱齡性淡泊鄭圃吾其師及茲拙生事窮窘常經時無
方可紓急何以宣中懷柴門蔽殘席咏書倦徘徊呼兒
促觴至目翫天雲飛山鳥送新響日遲花露滋頽然醉
欄下不省何如時雖非富貴樂富貴乃所乖

疎松碎明月密竹篩清風親交昔與別若謂行相從延
企邈不及音容隨想生諒彼亦耿耿飛爽留空形援琴
不能寐意乃多於聲晤言豈無偶眷眷詎可忘

編蓬諧夙心尊古豈文義所得靡有言應酬聊爾爾室
中無菜婦童弱偶成四圍樂寧無思達此天亦蛻客來
問長鬚新醕可筭未行行陟高岡一顧俯煙水客去不
肯留吾歸且休矣

寒暑吟

赦寒乃望春赦暑乃望秋望望復望望寒暑無停軻磨
空兩靈魄日夜東西流血肉具此體老我誰為謀泛然
寓大塊萬物同一丘壯兮耄所伏盛者衰之由暑退秋
紅滋寒往春綠稠奈何秋與春不赦腸中愁

蕭寺逢寒食

皇天無私覆白日照不明覽鏡見白髮無路通上清惡
命如惡草羞與蕭艾爭春風鼓元造吹我來吳城繁華
久寂寞車馬猶肥輕寄家盤門裏古寺如荒塋地頑蘚

皮厚終日無人行，囂譎故相遠。妻女多輕驚，朝聞勅姑聲。暮聞姑惡聲，聲云苦復苦。朝暮難為情，梨花照愁腸。痛似遭五兵，一杯寒食酒。誰與論浮生。

飛仙篇用周草窻韻

明星燦白石，八極傍無端。羽駕紫霞表，月窟春闌珊。三元流珠秘，換骨初不難。彈指一塵劫，世人漫愁歎。玉喬羨門生，鸞鶴常嬰嬰。剛風導旛旛，冉冉如飛翰。仙人攬六著著，以頰玉盤上。朝東華閣，主君顏渥丹。邀我小稅。

駕為說平生歡彤雲爍羽袂鼇背晨光寒

古興四首用周草窻韻

薰風入虞絃萬物闡生意圖南豈無心所恨老已至浮
雲翳高槐縹緲動羈思吁嗟鷓鴣枝詎可巢孔翠

塵空障雙眼閉門息交游聖經斷金義當從古人求清
尊洗風月非可與婦謀據梧不成寐簾影燈幽幽

陰崖月常昏曠野日生早太行不通舟車馬畏鳥道草
草度歲時空慕茹芝老不有離騷詞何能泄幽抱

流俗厭拙直對面猶褒斜水玉漫堅白錦繡矜妍華往
徃怪僻者反為時所誇交情到妻子令人生歎嗟

採桑行

採桑東陌頭日出紅光流採桑南陌頭和風滿桑鉤採
桑西陌頭日落烏颺颺採桑北陌頭明月照歌樓攜籃
敢憚遠手胼足成趺蠶饑恐歸遲一日三四返昨朝蠶
三眠燈前微合眼夢中見征夫短衣供築版庭樹啼霜
鴉夢回自天涯小姑報蠶起蓬鬢忙梳爬相望萬餘里

那敢興怨嗟出門還採葉細雨濕桐花

弔魏嶼川

永嘉嶼川魏起雷客死吳興安定書堂殯於
曹公廟中孤櫬望故鄉千有餘里堂長將遷
瘞於義阡余傷其歿作是詩以弔

寓形大塊內變滅如風埃依依孤蘭姿不上黃金臺客
死古豈無君死猶蒿萊方君初病時秋自京都回空齋
數相見書案皆寒灰對飯不能喫買藥親炮煨氣劣面

如削高說尚雄瑰，破衾裹羸骨。今在古廟隈，俛仰視所
親。旅櫬惟霜苔，何人置肴豆。何人陳酒杯，故鄉那得返。
義塚將就培，我成殽歌聲。君聞寧不哀。

八月三十日小園桂香清甚，招同僚吟賞，憶劉

判官葉令君

日出理簿書，夜常秉燭歸。不知花開謝，聞關園鳥啼。鵲
來巾峯下，三度著秋衣。丹桂立西風，明年開向誰。俗吏
癡已甚，騷人貌難追。坐中金蘭契，蕭爽芙蓉姿。酒漓飲

不醉取歡在琴詩村落有貧民攔道訴寒饑官涂一笑
過念此令人悲賢哉二大夫露宿東西溪

古贈別三首

撫我膝上琴酌君杯中酒惟琴乃正聲惟酒是醇耐芳
年如驚颯願介斯文壽結交非悠悠所貴在耐久

今君遠行邁黃葉辭故林驅車背寒日何能寫冲襟勿
歎儒服弊去為塵土侵白雲在空谷歲晚毋遐心

孤寂久杜門莓苔未嘗掃風吹別離顏少日鬢已槁靡

卷二十一
卷二十一
靡歲月逝清霜散幽草君去贈一言岐路歸直道

有所思

白蘋洲前風似刀白頭有客披苧袍芙蓉鬱紅墮芳沼
楊柳攢綠搖空壕擣衣砧歇蠶無語美人清宵隔湘浦
獨掩高樓聽遠更不禁老樹鳴秋雨

夜宴曲用草窻韻

博山飛香靄空綠大菊杯心凸金粟百幅呆思障夜寒
歌臺小妓吹橫玉蘭堂畫燭如椽麓楚腰魏鬢嬌相扶

四筵高談過花漏犀盤雜選羅天酥杯行過手如飛箭
座上愁無繫歡線曉韉馱月朦朧歸東家又報開春宴

猗蘭曲

湘花小朵分幽春封根苔土如蛇鱗東風曉剥兔豪殼
青瑤斛冷香吹人滋香夜滴金蟾水綠葉紫莖光韡韡
佩囊荒破赤龍愁壁月斜沉泣騷鬼

古春謠

蒼梧雲塞東風路勾芒太皞無行處草啣枯泥后土愁

桃花自滿雲中樹，黃牛力作興農工。
一犁細雨香濛濛，阿香夜奉玉皇詔。
搥鼓空喚閒虵蟲。

桃州古田鑄歌

原注今武康縣

老翁犁山田，土中獲得昔人墾田器。
似鐸有柄如鍾不圓，身長二尺徑八寸。
口薄腹厚唇微穿，顏色紺碧艷綠。
處間有班紅如血，鮮形模古拙。
見者怪銅性已變，不復辨疑是死鐵。
兼頑鈿老翁視為棄物，委床下一朝移出。
茅簷前塵灰糠粃俱塞填，乃有博雅識是古田鑄。
垂涎

拂拭再三看扣之尚覺聲隱然水痕土色兩相蝕歎息
不知鑄自三代之何年邀翁問所得共入酒家保買以
十萬青銅錢買來携歸置几案一架坐插青絲氈圖書
鍾鼎相聯編寶玩要使兒孫傳自秦歷漢以來此鑄只
在土出世便苦無常主博雅好事歸泉臺可憐閱世亦
如草頭露高堂山鬼不守護他家便有好古人又以青
錢易將去

憶昔行

憶昔當年十四五嘗看秋潮到江許飛裾徑上酒家樓
憑欄直望潮生處數百里間名海門悠悠一線色如銀
漸近江心痕漸大洶湧聲吞十萬軍須臾潮頭高數丈
衆潮隨接皆奔上中有雄心拍浪兒幾點紅旗爭蕩漾
風前縹緲奪標來神蛟鬼鰐俱摧頽監潮候有伍胥在
但見瀆薄旋推回後來沙漲西興口潮勢何曾十分有
水上人騎騾馬行車如雞栖馬如狗數年之後不可當
瀚海驚聞洗目塘汪洋且撥菜園去壩子橋邊亦渺茫

神臯內史承天旨擺樁疊石曾料理至今過捺逾十年
椿石如城牢在水江頭人謂可安居連年不奈還憂虞
西風吹潮半夜起子胥之怒知何如陰威作寒帶烟霧
捲石掀沙出幽府堪羨雲中拍浪兒踏著危機不怕危
乘除消長君休忽牢執長竿一面旗

婺源琉璃萬燈歌

原注節齋
堂中所張

婺源燈匠奪天巧做出新燈極精好細細琉璃萬縷中
織得禽魚及花草錦娘眷眷繡娘羞煌芒五色耀冰毬

江梅盈枝玉影
葉離枝滿樹紅堆頭
水晶不瑩珠璣冷
屏間雲母空烘影
百尺長竿橫畫梁
寶蓋懸空繫纖綆
綠灩鱗鱗晃曲波
斜岡處處映平坡
瓶中梔子豆心綻
籃裏海棠絨帶拖
午夜高堂明似晝
璧月涵光燦星斗
蠟香塊靄焰春陽
錦光倒射金杯酒
此燈絕妙世間無
乃是婺源燈畫圖
梁園下客非夸大
從今不必說姑蘇

冰壺飲歌

金流石爍草欲枯
炎氣熯熯噓洪鑪
蘭臺兔園避處無

高堂貯冰排玉壺珊瑚水晶間犀株扇車作風轉轆轤
水戲蠟刻鴻鷗鳧大瓜浮綠李沉朱碧甯捲香軒雲腴
膾盤堆雪封秋鱸美人笑指袁安圖汗珠滴出紅羅襦
苦寒歌

凍天添雲埋晝光江河膠合蛟龍僵酒陰噓風無慘烈
枯磧莽莽沙浮霜蟄春老屋如水井獸炭烹紅烘不醒
南山飛瀑成玉絲哀猿瘵落孤松頂

關山月

玉門關外月遠接黑山明晃色同沙冷飛光掩雪清宿
師方偃陣游騎復窺城不信長生魄年年照戰爭

對月

水上重樓閉虛空雲盡收十分今夜月一片玉晨秋
有詩能寫都無價可酬寥寥飛鵲外歌吹在青樓

道場山災後葉靖逸同遊

石爛木全焦鍾魚變寂寥老僧無法說諸佛亦魂消
寺有州圖載山餘窳堵標嗟嗟伏虎事誰更問前朝

石山僧

禪衣掛石稜月澗瀨流水釘畫掃寒壁覆
碁然夜燈別來增落葉病起損枯藤說透蓮花偈相依有越僧

華亭延恩律師

花會收雲席經聲散窅冥無言坐巖壑隨意使精靈齋鉢重教漆埋龕預作銘養成松上鶴相對兩眸青

寄北山僧

一庵猿鳥外琢石疊禪扃行道拖寒衲消閒補壞經新

泉開出遠古像
况來靈常憶相尋
日中巖松桂馨

贈華亭延慶坦講主

身不鑽權貴
諸方盡說師
講多禪子聽
行少俗人知
猿護挑經錫
龍依洗鉢池
舊房天目下
松長幾秋枝

寄心禪人

寂寂古山根
閒房竹半分野
禽聽佛偈香
草入禪薰
白露滴孤壁
悲風生破墳
昨來經世業
應已付浮雲

送超海翁遊金陵

渺渺金陵道江天正寂寥孤鴻隨去影一錫破寒飈官
渡潮多酒臺城寺半凋離宮見楊柳莫折弄春條

送僧歸杼山

亂峯村口寺舊有畫公房烏宿猿啼處風吹月在傍揭
雲松景熏酒石蘚痕黃明日烟霞外相望隔夕陽

送僧廣明

忽辭同侶去自喜水烟濃江草有閒色野僧無定蹤衣
袈方眼笠瓶系曲枝筇明宿楓橋寺先聽夜半鐘

題贈然鏡潭

象園非假鑄湛湛一泓深
獨露古今體靜涵天地心
月沉聲不響雲晦影無侵
定起何人會魚龍識梵音

寄輝老

八十空門侶如君有幾僧
眼明非服藥身健不扶藤
雲綴搜吟筆花紛說戒燈
小師親得法新度碓頭能

與昭慶因律師

西湖戒壇寺近逼九重天
師住無他惱人言有宿緣
蓮

香熏梵祴柳色護齋筵四分南山律今誰可共宣

春日題吳興峴山寺

花草滿苕陽東風隔短牆窪樽殘葉爛壞塔老藤僵
鴿暝栖苔殿僧寒閉竹房荒阡人哭散惟覺紙煙香

送客赴邊任

山陽今近敵君去酒當呼不為留行役閑因說道途春
沙郵騎老夜雨戍樓孤袖裏酬君劔須將示丈夫

河軒初秋夜坐

滌熱屢呼茶河軒去郭賒雲紅初夜月風白久晴沙樹
暗惟聞蜚波明間躍蛙松江鱸入思客老媿浮家

題車蓋實公庵

雲火欲燒天得涼過得仙蛙隨殘雨鬧犬護一僧禪竹
色搖山磴荷聲拂水田別期秋月夜來借石床眠

雨樓晚思

紅葉入溪樹悽悽吟思微雨連秋市暗鐘遶暮天飛淺
井陰螢出高城宿鳥歸誰知凭欄處愁響隔林機

遊空相寺追憶輝老兼懷伯弼詩

山門掩夕曛芳草綠紛紛
蛛殿縣陰火鷓城聚冷雲
探吟僧滅度寄靜客離羣
何處增惆悵秋房駁蘚文

題友人郊居

鷗鷺羣栖地幽人長閉關
孤村皆是水疊石自為山
春雨車溪外秋風笠澤間
短籬忘世味惟看釣舟還

烏程趙尉廳冬夜詩宴

論詩仙吏宅酒罷夜寒增
雪映高城月風吹古岸冰
入

橋聞短棹隔塢見微燈重媿羈吟客青雲去未能

送漂陽友人依茅山玉宸觀主

抱琴遊帝里一帽兩靴塵忽憶歸金瀨還謀老玉宸魚
分仙澗月虎讓古山春伏事陶弘景終非是俗人

樗翁朱安叔下省

真儒方進用春榜又遺賢時屈道終在才高人共憐休
疑考官眼且結作詩緣桃李東風外身閑却是仙

凭欄呈劉季良

傲貧成白首萬事不相關有病身元嬾無官心更閒紅
塵拋水日黃葉換秋山欲識冥冥意孤鴻夕照間

道院春日

寨簾捲竹房僧去罷焚香濕樹流殘雪疎籬挂夕陽花
遲春意靜苔密凍痕光野水盈愁望尋巢燕已忙

刈田

刈田秋雨外孤嶼集眾師紅樹籠斜照青篙網細絲鐘
殷山麓寺燈淡野塘祠一片鳧鷖水羞來鑑白髭

欽定四庫全書

江湖後集

二十四

送趙子真尉進賢

王孫為一尉古邑近西山梅福仙名在此官非等閒水
程蟪蛄後野店鼠迹間未必須三考應持鸚鵡表還

送趙子真赴信州司戶

鳴鐸臨征路信州非路程官曹有名勝版賦足修明地
富饒銀毋山清韞水精貧交以貧累不得伴君行

貽趙司戶

同往爭名地回頭二十年君今官幕府我費客遊錢夜

雨梨花店春風柳絮船澆情一尊酒逢在治亭邊

九衢

九衢名利路日有是非塵所以隱淪客棲於寂寞濱秋
聲飛野柳涼色弄溪蘋贏得身心淨人間不媿人
小窻臨竹地借住半年過枕上感秋事月中聞棹歌青
山無力買白髮有痕多那得成漁計江村自養和

張約嘯巖書院

雅調背時流月分吟外秋墨研青嶂石茶泛碧霞甌果
熟猿難喚松寒鹿自遊風前橫一笛不必更登樓

欽定四庫全書

江湖後集

二十五

看桃偶集僧舍

看桃臨水寺幽會得文襟移石分花坐含毫對酒吟日
斜幡影倒風斷磬聲沉人散清溪暮鶯啼出柳林

與若溪煥上人夜坐

一庵秋色裏共坐佛燈前風引上香磬月浮煎茗泉袖
寒沙氣逼窻迥樹聲懸語罷鴉棲定山僧入夜禪

送張將領

平生憑一箭此去必成名
晚月催行色秋風入別情
潮分江口鎮山擁石頭城
疋馬烟塵外當開驃騎營

偶飲溪寺

踈雨過長林溪頭日半沉
開尊成草酌得句嚼花吟
蝸砌苔堆濕蛛簾柳映深
倚欄秋欲暮醉耳怯寒砧

雲間贈別薛沂叔

水竹居成久何因又出山
有詩懸肘後無事在人間
短劔丹霞鋸扁舟白石間
野情元不定遙載鶴鷁還

梅

草木盡凋殘，孤標獨耐寒。
瘦成唐杜甫，高抵漢袁安。
雪裏開春國，花中立將壇。
年年笑紅紫，翻作背時看。

癸卯元日

一簷朝雨若輕塵，新歷雖開未是春。
著出隱衣朝大帝，送來名紙謝同人。
故園有弟音書絕，要路無親旅食貧。
五十平頭今日到，不堪卧病似漳濱。

送僧過建康

一酌離亭桑落酒，
麩麩短髮長愁苗。
秋房已棄星居屋，
晚寺應投旦過寮。
歌哭盡從流水去，
榮枯半逐暗塵消。
江船載月敲銅斗，
莫向臺城問六朝。

倚欄

裊裊朱欄倚細波，
綠雲相對闕差我。
中天車駕曾擒寇，
何日樓船定入河。
霽柳午陰隨岸遠，
露桃春色過牆多。
黃旗適應東南運，
已辦簫鏡幾曲歌。

吳下春陰

雲揭繁陰雨乍收
吳王故國悄如秋
春光物態千年在
草色人心一樣愁
香徑有時迷野蝶
帆涇無處覓沙鷗
桃花欲謝清明近
兩鬢霜絲感昔遊

秋日山家

露華滲冷入踈袍
獨坐雲亭日易高
林茂不知山色減
石枯因見水痕牢
避人黑鼠窺茅栗
引子黃猿拾楮桃
野老欲論城市事
遠教童稚覓香醪

水軒遣懷

漠漠風烟滄綠陰小軒多是暗愁侵
逗明月落杜鵑叫
向晚雨寒蚯蚓吟一鏡自知添鶴髮
五湖誰解食魚心
帶春應有餘花在吳苑荒殘不可尋

古項王祠

冊帝追王事總非殘碑猶自對斜暉
廟無人到苔痕古
地有蛇盤樹色肥月暗野風吹鬼火
塵昏沙雨駁神衣
烏江渡口停騅處今日誰知作釣磯

退將

自慚戰陣未曾親，便待歸田養幸身。
隨仗馬閑秋骨瘦，打毬單散曉眉頻。
遊邊尚憶擒虜將，畫閣何堪作老臣。
昨日望春門外過，鐵鞭惆悵暗生塵。

偶憇破寺

當軒水漬一池苔，竟日無人見客來。
飛鳥忽從花下出，游僧恰自雨中回。
半邊枯樹雷燒破，幾段殘碑雪凍開。
檀施只今何處在，金容冷對石爐灰。

秋初漫吟

吟腸悽斷月蒼蒼促織聲中露未涼高掛酒經緣抱病
閒看藥錄為參方久要兄弟書皆絕旋雇奴童住不常
擬續逐貧揚子賦筆黏塵網硯池荒

弔松山曹可擇

供奉芸籤內殿間身清不愧是卑官帶殘敕號緇應斷
吟出新詩板未刊妾引哀歌秋燭暝客收閑迹曉松寒
端平才子如君者免死江湖把釣竿

喜宥寺梅屋

全
卷二十
幽幽一屋巧藏春花匠何曾動斧斤
逐朶似裁霜漢月
滿椽如架石橋雲繁花綽有苔錢
賃清夢那無蝶羽分
欠得玉人相共住金樽檀板送斜曛

秋曉聞鶴唳

角斷鐘殘月尚明誰家霜鶴唳
頻汀空蒼竹上滴寒露
野水城邊沉曉星清帶離情穿碧戶
遠將秋思入蒼冥
往年禮謁茅司命曾記昇元頂上聽

夜歸

風急漏聲斷月斜人影長殘燈收短市鴛瓦已凝霜

詠老桐

枯心不作花儀鳳那采取何當被朱絃齋身大晟府

贈舟上人

放浪詩騷外塵心鍊到空白雲開夜觀海月冷松風

倚樓

客意入燈篝無詩過一秋角聲吹雨斷人在截雲樓

山崦早梅

晴逼寒芭春滿鄰漢奩芳額漸輕勻東風未放全消息
雨萼愁香不見人

留別范可叔

吳皋一水幾番行鷗鷺相逢眼亦青一別隔年頭白盡
離歌今日不須聽

漁父引

漁伴歸來語笑喧盡攜筒罩醉雲根自從城裏魚增稅
船在江村不入門

代贈牧馬將

草枯水冷馬添臙箭放鳴鶻不射鷗塞北又傳烽火動
冠軍人望霍票姚

寒食日

讀盡唐人寒食詩人於此日重傷悲如今裹飯吳中俗
可是相公為子推

楚宮秋怨

水殿芙蓉拆錦苞暮簷小網集蠨蛸射麋人醉秋江畔

風冒塵絲落燕巢

張氏池亭飲歸

金荷杯冷酒醺醺
重費殘花一夜春
橫玉聲乾桃葉渡
斷雲空惹舞靴塵

淳祐辛丑元日

滴酒焚香把筆熏
未書名紙謁朱門
對天大寫宜春字
先與孤寒懺宿根

杜鵑

心聲叫出思歸苦叫得春風破膽愁江北江南皆蜀客
年來添白幾人頭

一片

一片青蘿絡緯啼星稀月沒未聞雞數聲柔艣斜窗外
彷彿風光罨畫溪

僧去

僧去焚香白晝空客窻斜掩棟花風黃鸝舌結春歸盡
煙雨滿林聞郭公

閑倚

春風樓外白雲堆
壁上塵昏雨後苔
倚盡夕陽牕欲掩
小風猶抱落花來

送高可久遊越

東風大扇九區春
吳下吟人發廣津
欲上會稽探禹穴
桃花和雨撲離巾

賦元秀坐主孤峯

一峯峭立俯羣山
下有僧居一體閒
收拾春煙與秋雨

年年曾在碧苔間

文式上人月溪

菰蒲聲裏著禪扃一派蟾光畫不成
試看世人心似火何時得此定中清

曉起

蕭城一雨夜迷迷聞道春流已滿溪
澆禿隔墻烏桕樹曉來猶有亂鴉棲

春晚呈節齋趙大資二首

韶光似酒著人濃
池館春殘柳絮風
花不耐愁春自去
鶯聲全在綠陰中

宿雲惹雨膩如塵
濕盡薔薇一片春
鶗鴂恰鳴胡蝶懶
軫香惟惱扈芳人

蟋蟀

朱欄碧戶綠莎邊
挑入雕籠合自憐
應是不知悽楚意
癡兒爭把闔金錢

月林為僧甫賦

飾金鏤玉影颼颼一片松杉不斷頭
鐘梵聲殘寒汐外
石床常擁四時秋

送超上人過靈隱

斗邊一塔冷浮光九里松風揭寺香
君去正當春雨動
雪花消盡石蘭芳

贈僧某

曾見升壇落髮時伽黎衣冷影離離
少年同隊修禪者
秋水蓮中玉一枝

贈僧演若海

禪心靜寄十三徽
流水知音舉世稀
自愛聲空絃絕處
滿天明月鶴孤飛

敬酬芳庭植講師

一卷新詩寫衆芳
碧雲裏出白雲鄉
小溪秋水蘋花外
良慰孤吟老夕陽

送中巖立上人還臯亭山

少年如玉在緇林
此去臯亭落葉深
寺近海門潮上處

水中孤月是禪心

送觀物初禪師退院後歸靈隱

擊殘塗毒抖衣塵便掛輕帆破淺春
後夜冷泉池上看
白雲明月是閒身

無筇溪煥上人夜坐

菱窠柿葉滿秋池彷彿樵歌在翠微
隔寺晚鐘聲欲斷
蒲葵樹底一僧歸

春曉

竹西窻上月痕斜雨歇春城叫亂蛙
睡眠未醒人在夢
斷雲流水隔桃花

雜感

五尺長琴被獨絃大音濁世没人傳
一聲彈入碧空去
三十六峯收紫煙

題吳興峴山寺

雨餘山態活如雲過午鐘聞寺影昏
寂寞春風荒草裏
野僧惟主一窪尊

車塘晚歸

寒雲無影雁寥寥如雪水沙泛野橋木末夕陽未收盡
江風吹合欲回潮

寶覺寺晚歸

半幅新霞漁舍外一梳殘月鵲巢邊近城幾樹官橋柳
繫盡姑蘇過客船

秋日題慈感寺

老栢驚秋子徧庭寺深雲冷屋如水九旬夏滿僧歸盡

閑却虛堂照講燈

桂花

西風屑碎幾籬金
幻與清香賽水沉
吹入淮王招隱樹
箇中緣有辟塵心

山庵

花梨架子定花瓶
一朵紅梅對熾燈
賈島佛前修夜課
卧水庵主是詩僧

溪濱晚作

渺渺斜陽下翠微
紛紛黃葉徧苔磯
青樓簫鼓西風外
幾箇霜鴻一字飛

約客不至

昨朝新得剡山茶
有約煎嘗對晚霞
月上湘簾人不至
一池春水落桐花

瑞光寺

蘚剝春痕土燥斑
下堂僧散午鐘閒
寺門半掩東風急
塵捲空廊二十間

送人南海鈴兵

伏波簫鼓按蠻軍馬首紅旂燕尾分
海水如今平似掌
樓船夜夜鎖閑雲

賦教授允濟雲心

山川融結氣網縕舒卷油油一大鈞
今古此心誰會得
竹林中有卧龍人

題吳興卞山黃龍洞

巨靈穴此頑冥石應在乾坤初定時
不是黃龍曾出見

洞藏山底竟誰知

楊妃看牡丹圖

花上輕留一捻紅
阿環無語對春風
金輿欲度沉香月
猶在霓裳半醉中

遊楓橋寺

吳王舊迹水烟移
幾度孤舟此別離
今日來遊故人盡
稻花風裡亂蟬悲

衣上酒痕

江令宅邊蕭帝寺桃花曾借客
溫存湘羅襖上經年酒
錯被人疑作淚痕

和樵父詞

山深猿鳥久忘年茅屋風吹夜
見天莫問荆妻生計事
一枝樵斧酒爐邊

懷永豐宰阮允齊

吉陽煙水幾千里一紙閒書失
斷鴻衰葛相催驚老耳
井邊桐葉又秋風

館娃宮

一夜娃宮有戰塵
玉笄羞見苧蘿春
浣紗前日東家女
莫信亡吳是妾身

賦江西隆上人瘦巖

巉巖一穴嵌空石
不是人間飯顆山
鐘鼓聲中有吟者
獨甘於此寄清孱

漁父

歲儉何曾敢吃漿
早於世路似忘羊
桃花飯有秦人味

不染膏梁膩香

贈僧

坐夏靈巖又欲回
庵扉聞枕蠹塘開
經房不鎖書櫺壞
幾點浮螢照綠苔

送虛舟立上人還天竺

殘雪初乾溪水滑
梅花狼藉桃花發
靈山僧去盪虛舟
滿棹晴雲帶新月

答僧秋蓬

賣菱人散日銜山一紙詩來鹿苑間
料得短篷秋泛處
荻花菰葉兩爛斑

寄雲泉頤上人

溪房夜掩白雲層
酬唱詩筒繫海藤
花落煮茶窻外石
一航春雨隔吟燈

寄淨慈寺修上人

塵海翩翩獵梵衣
何如蘋末看斜暉
幾回行到言詩處
水寺秋雲罷毳飛

賦僧壬枕流

床頭澗水響泠泠
床上幽閒自曲肱
莫放飲牛人洗耳
恐沾塵汚石龕燈

送信座主過天竺寺

九里松邊鷲嶺頭
松聲長帶白雲秋
梵筵多有吟僧在
須認詩中第一流

僧遊鄂渚因贈

夏口雲邊有遠期
杖簾行李只揮持
六朝文物今無幾

為看頭陀寺裏碑

木芙蓉

懊惱春紅不受賒一枝枝似一團霞
玉霄露重秋煙冷唐突西風是此花

晚香贈秦奎

風肅霜嚴草木凋一花半葉不相饒
騷人受用秋英處探得天家別一條

春日雜題三首

昨朝飛雪又朝晴怕踏苔花損石稜
三丈日高簷影轉
卧聞殘水滴春冰

碧齋抽條土力鬆春雷猶自蛰黃龍
上清道士歸尋藥
一笛吹雲入弁峯

手撚薔薇一凭欄一年春事欲題難
驚鴻掠盡碧雲去
雨匝蘋洲生暮寒

水仙花

鞞羅塵冷不勝頻更向東風占盡春
三十六灣明月下

女冠逢著謫仙人

唐室

唐室艱難勢莫任
匡君奏議抵金鍼
塑人塑得先生貌
難塑當時一片心

小隱園詩

原注 孝宗賜皇兄崇
王在吳興法華寺

袞衣一返上清槎
五十年間在咄嗟
夜鶴不歸猿亦死
一丘明月冷梅花

梔子花

小樹深叢絢綠華，辟邪香冷玉無瑕。
薰風只是能竒絕，疑是經春大雪花。

浙西憲臺夏夜聽雪江徐天民琴

火天月滿繡衣庭，秋思從君指下生。
莫怪老懷眠不得，七絃彈出蟹行聲。

贈僧廉清外

拉搭袈裟斷帶裙，持心不肯釋伽文。
風涵秋水霜涵月，多少浮僧妬殺君。

送亨坐主往天竺

雲笈遙攜智者書，要尋初地作工夫。
靈山懺主堂前草，試看春痕幾遍枯。

誚暑賦

火官之臣職，夏九旬月屬。徂暑氣猶氤氳，赫赫朱轂駕於銀河之津。暘黔首於原野，困鳥獸於荆榛。風如焚以灼石水如烹，而沸鱗采蘋。老人鬢已焦禿，旅寄中吳。假住地屋倚喘，弗蘇百骸。罹毒朝面，崇墻炎暉。炙目夕坐。

短簷返照爍肉南北無十弓之長東西才兩尋之廣旁
之林數茂有陰障况迫近於淤河遂蒸熯而愈王病婦
釋針而倦紉稚女洗粧而退帳於是作歌曰斗柄西指
涼風秋矣火熱斯極金伏收矣積陽上升茲日瘳矣火
官之臣行且休矣重曰桂芳兮蘋香素月兮清光赤雲
滅兮白雲揚沐冠巾兮浴衣裳拔火聚於髀國撤烘燎
之吟床

江湖後集卷二十

欽定四庫全書

集部
江湖後集卷二十一

詳校官庶吉士 臣朱理

助教 臣常循覆勘

總校官進士 臣繆璘
校對官編修 臣勵守謙
謄錄監生 臣范維城

欽定四庫全書

江湖後集卷二十一

宋 陳起 撰

黃文雷

文雷字希聲盱江人有看雲小集見遺書本
王士禎居易錄稱其長句頗有骨力今葺自永樂
大典中補詩四十首

浚井詩

工部種萬莖詩序傷時君子或晚得微祿頗

尤野覓之侵莖矣又園官送菜詩序則病苦
莖掩乎嘉蔬傷時小人妬害君子遇物遣興
固不必盡同耶二僕銳意浚井聊記其勞

生理亦多變惟井不可遷澤國雖納污松江本其源賴
爾竭脩綆治此久不竭有冽出舊甃水玉傾炎天安知
峴山宅不數陸子泉大勝信行勞脩筒山崖巔

池萍

汙池一帶水淵然象深湫青空照浮雲過影不可留
艸

粼南薰微條忽便轉秋眇彼浮雲輕隨風且乘流

三月上澣

忽忽逢休澣春隨柳絮飄業雖尊甕盎志祇樂簞瓢強
飯寬啾唧攤書慰寂寥隣翁幸無事盃酒強相邀

春向客中過心清夢却安月明蛙吹鬧風暖燕翎乾
共潮連信涇通渌作團詩成無賣處寥落想三韓

歸

汎彼將焉放歸歟來自東神官嫌愈拘末俗笑變窮好

避鷓鴣路還開野鶴籠
擲掄非爾力王績字無功

上塘舟中

可笑山翁拙微官亦強名
京華難久客海角更孤征
桑蔭時當密菜花今向零
短篷甘局促和氣謝春晴

初識東塘路言尋携李船
魚鹽千古地吳越一家天
夢覺何為者行藏不偶然
半溪疎竹影相送海雲邊

借周伯弼題天申宮蘇文忠公畫像

大澤沾荒裔靈山識老臣
微茫雲外迹良病瘴中身
濕

草寒碑夕晴花午殿春高簷風雨斷猶避六丁神

江石詩

鼉屬牕前石參差類虎螭秋晴蘚可剝歲晏竹相宜要
自山川出那知陵谷移摩挲羣玉瘦風助馬王悲

登舟

綵句殷勤蠹釣船又翁也解去朝天風涵柳外疎疎意
雨拂波間淺淺緣脫灑工夫尋活著依稀事業付遺編
放諸四海吾能準獨恨東遊不見仙

登樓有感

顧陸風流幾夕陽
桑疇麥隴自淒涼
山從地盡雲垂海
水共天浮日射洋
門卒何年隱吳市
嗇夫當日愛桐鄉
蟻封未敢誇榮策
芳草無人且自芳

華亭以北所見

荻門臨水劣生涯
屋角香浮繞菜花
雞犬聲如深谷長
耰鋤力向甫田加
葑填岸步聊憑木
湖入溝塍不用車
驚見茅茨新覆草
東風輕颭酒旗斜

翫物

豹脚縱橫底善鳴
蝸涎虬篆最堪憎
隄防暴客書嫌鼠
約束閒人食畏蠅
蠓螿恰穿闕
楨去蠨蛸又打局
圖成隙光早晚占
天轉靜倚東牕
翫物情

欲借書無可問者

三江環地脈
千古說機雲
欲借圖經看
携甌且自醺

華亭道間記所見二首

楊柳陰中稻廩
芙蓉花裏柴扉
日夕牛羊下
壠老翁穉

子同歸

田舍鷄豚壯長江鄉魚鱗鮮肥是處茅柴新熟老翁醉
倒扶歸

錢氏故園

幾年聞此好名園平地點巫翠掃天蕭岸半摧林影暗
亂螢閒自點湖烟

中興次輔巧玲瓏尚帶承平艮嶽風一朶慶雲飛不去
遊人眼冷夕陽中

買鷄喜鬪慰安之

獨立昂藏信魯鷄羽毛如鳳合梧棲不須盛氣誇金距
付與閒庭自在啼

納涼

雲頭過雨月朦朧少立橋亭萬里風想見松江烟浪急
最涼多處屬漁翁

臨行

身是江湖老秀才等閒遊戲墮塵埃匆匆不盡桐鄉意

慚愧前修是勉齋

從來天地一閒人
放去江湖自在身
若把又庵行止勘
最迂踈處入經綸

放潮

每日朝晴暮則陰
苦無甚雨洗秧針
新來剪得松江水
清漲浮瀾一尺深

池面瀾瀾溝徑斜
學栽堤柳半生芽
倚闌無事薰風急
分得潮來看浪花

舟中

良門東望盡嘉蔬
麥壠桑疇總上腴
莫怪泥塗也村樸
百年供億帝王都

錢塘從昔競華腴
金碧籠加稱帝都
漸遠郊垆殊草草
但逢樓閣定僧居

臨平山下道潛遊
春半蘆芽藕未抽
野水無情天更濶
不知何處是汀洲

蘆葦延緣百丈洪
布帆收卷笑途窮
丈夫雅意追宗慤

不耐朝南暮北風

新涇阻風示姪輩

世事何堪拙更遲及時進業莫兒嬉
但看煖景閒舟楫
等得北風無住時

題三高士像

原注范蠡張
翰陸龜蒙

霸越平吳亦苦辛黃金直鑄此功臣
九州地主關何事
一舸鴟夷共故人

西臺事去已多時月冷松江好賦歸
會得華亭思鶴意

秋風不是憶鱸肥

日落長安路漸迷
王官谷上有人非
江湖好養能言鴨
魯望從容比滑稽

詠史

山河帶礪果何憑
壯士休悲走狗烹
賜醢不知誰約法
却將王禮葬田橫

開元末路已無章
天寶垂將付壽王
追憶惠妃因至此
如何不遇返魂香

忠臣垂盡語琅琅愛子遺留八百桑公琰諸人都薦過
後來卻正侍君王

鄒冕乞得打鮮卑尹緯高材却不知若比血誠扶正統
九原吾與武侯歸

章武重歌漢道昌卧龍勲業細平章欠伸不覺塵編盡
雨洗炎埃一雪涼

挽共居

海內交遊三十年臨分我到臥床前西湖一葉西風落

淚盡秋風松下所

長安道上細哦詩如此相知更有誰
芸葉一窻千古在
好將事業付佳兒

周文璞

文璞字晉仙號野齋又號山楹陽穀人有方泉
先生集見遺書本張端義云野齋嘗語予曰花
間集有五字絕佳細雨濕流光景意微妙野齋
之灌口二郎歌聽歐陽琴行金銅塔歌不減太

白今葺自永樂大典中補詩八首

金陵襍詠

梁家天子抱琵琶
淚灑華林御苑花
今日閒韶無處所
鴈烟蛩雨屬他家

灑灑江波綠更肥
蒼烟中有鴨鷗飛
當年神武今何在
老却遺民更不歸

陰山側畔月如霜
不為嗙猿斲殺腸
折得橙花無處賞
帶杖分與權船郎

長干小婦學吹簫樓外閒風弄翠條近得廣陵消息未
暮潮已過赤欄橋

寄華陽衆侶

玉函捧上五雲堆邂逅通幽此一回十數年來增悵望
絕無人上望鄉臺

九錫碑亭日欲曛有人趺坐對爐薰憑誰為謝桓司馬
句曲山中只白雲

服事三茅過一生癡心不望羽車迎舊時手種黃龍子

今解昇雲入太清

忽忽山信寄來時中有黃庭七字詩已死華生無覓處
幾回吹斷玉參差

葉茵

茵字景文笠澤人有順適堂甲乙丙丁戊稿茲
自永樂大典補詩六首

生長

生長古林丘擒來繫鎖囚休憐文變豹尚覺氣吞牛檻

穽終難脫咆哮亦可休山中藜藿少君合早為謀

別曾源一

梅邊又上帝王都柳下俄空處士廬漢月楚星人去後
淮雲蜀雨事何如東龜不食西征缺南鴈難期北信疎
此去叫闍天路直何時快覩茂陵書

洪都宗人則明盛年擇宗子之秀名之曰紹弟
書來欲求語則明上侍重親承志篤學恤貧樂
善繩繩蟄蟄未可涯也因書昔所賦廣平同系

詩一章載賡以慶之

善積端如水滌源源深自可羨來昆歲當有室詎為老
意者重闡思弄孫和樂定知江有渚碩蕃竹見葉流根
河南心印元同自秋幹軒中細討論

耐久交

魚水時暫歡芝蘭近同臭惟有石丈人萬古情如舊

失題

受用十二時不離方寸地門外自風波行之以無事

止庵驛路施茶

時事艱難路險巖
得來名利亦何為
趙州茶罷速歸去
莫待鐘鳴漏盡時

張蘊

蘊字仁溥揚州人
官幹辦行在諸司
糧料有斗野支藁
見遺書本茲葺自
永樂大典中補詩
六十五首

西憲雜言八首

淵明孝忠人去官念同氣再拜營一粥於酒亦馬嗜寒
寡千載間德音猶未沫寓懷弔形影天地無根蒂

商君弊秦法出舍何嗟及胡為乎弗思束濕日以急周
家積忠厚神人安且謚我歌行葦詩繼以長太息

志士生斯世疇不志顯美素分縣於天贏得為君子巧
宦如郭尖徒足汙青史呼號三上書昌黎何必爾

牀頭綠綺琴長抱風濤聲庭下老松桂苑苑霜中青資
爾二三子聊以虞我生程公自有常世情多變更

巍巍巨唐基房杜實經始功名付諸賢一傳無可紀休
休其有容書稱若人耳媚疾以惡之後來揚與李

五氣無生滅萬神具於身明真不自見冉冉隨冥塵復
命歸其根坐斷衆妙門靈芝歲三秀不畏霜毛繁

天匠染青紅高下乘一機陽榮與陰瘁豈必相因依藤
蔓荒故丘鵝鶴托深枝芳草不入媚綠遍江之濱

閒味甘如薺吾生拙可知道心平旦氣樂事早春時所
欲維寬厚所親維書詩相過儻同調徑醉復何疑

中秋陪文昌吳少蓬遊石壁精舍步月野橋

逝歲如頽波燕雲感秋節乾坤出清機老火濕魚頰人
生豈常好萬里有隆替陰空動歸鴻萋草變鳴鳩愁端
卒已來安得心如鐵朋情亦云厚晤言無厭歇曉勝忻
有適一笑發覆蟻野橋橫雲根寒泓侵金玦茲山昔所
歷亦從多儒哲堂中讀書人流風儼不滅蒼蘚已上階
孤蛩亦入穴摩挲泉上銘清籟竦毛髮假日聊自娛看
糝酒不闕相期忽區遊言駕醉鄉轍歸來不成瞑題詩

報明月

偶得碧蓮雙房可愛戲效宛陵體

援筆對嘉蓮更想花初披生成若有偶形容徒費辭
收釵背相倚舞殘手雙垂不比鴛鴦梅烟雨低壓枝

送趙秋赴調

魯鼎巧雕飾售者十之九君如古壘洗蓄眼見未有摩
抄知樂人銅臭不落手龍文繁綵翠照映覺羣醜一朝
遇賞識持此足愛壽去去清廟陳引酒酌北斗

七夕聞鵲

溽暑正埃鬱一室坐焚硤忽占乾鵲喜庭樹繞飛噪流
焱挾雨來天晚亦涼好巢居免漂搖示臆若吾告時止
焉用留時行不俟報既非鳴不平厥理嘿有召九衝無
驚波折葦近可到移將填河心人間作行道

紀遊

消搖事物外春風浩蕩天幽居少良友行樂才新篇隔
縣數十里沿溪半日船詩隨野興發筆落雲態妍賞覽

朝暮景騁遊東西阡時聞賽神鼓頻乞買魚錢浪碧麥
風軟雨紅桃漲鮮堦亭新粉壁酒戶小村廊鵲喜相勞
苦驚飛雙導前榜人呼繫纜輿僕結行纏鷄唱炊烟裏
僮窺籬落邊暝香飄杏店濃綠暗桑田節物催耕織辛
勤供食眠吾徒同臭味俗網斷牽攀我愛今葉令多情
侯陶淵原注孟郊云
賞句類陶淵逡巡設鷄黍歎曲羅觴絃握手驚
歲箭聯裾跨時韉同尋入山路不著捷徑鞭閱境初啖
蔗去愁如絕弦茗茗縹寓見靡靡青風連足躡方諸國

身遊圓嶠巔衆竒勞應接四迴失窺緣一柱倚蒼翠九
盤瀉潺湲風松調綠綺露蘚失青鈿邃殿開金戶華椽
映玉筵除塵嚴客館移坐遠庖烟穿溜分汲路束枯汗
樵肩林扉夕淒緊竹水光嬋娟搗藥琴聲碎眠雲鶴夢
圓斷鐘催曉起糲飯與蔬便草屨濟吾勝藤杖扶欲顛
洞雲寒黯靄石蔓翠鈎連鳳集今何許龍拏跡宛然丹
留無骨窮鼠化有芝仙列甌酒已燥一枰棋未仙燭幽
然炬遠畏冷被衣偏勑足思暫憩芳醪欣屢傳轟雷倒

銀浦絲雪漲瓊川鷺袖涼蟾舞皎綃宿霧懸寒聲忽瀕
洞清瀉長宛延霜鬢不堪照塵纓聊欲湔大書見題石
高跡企來賢天常今已矣道士猶言焉子有逝川歎人
誰如石堅羨渠白雲侶得此一壑專坐與世絲隔足使
道氣全剛鏡鑷靈藥温鼎溉華泉丹成九轉後道在太
極先依韓磬夙志叩許滋擊拳蝶夢夜栩栩霄駕夙翩
翩希言味無味示我玄又玄瞻望儵烟滅豁悟逾病蠲
當取赤松友直遺黃石編茲遊信有造重慎香火緣

玉山招隱歌

風蕭瑟兮吹我襟歌叩角兮遊高音
天空寥寥山日陰
肅肅飛鴈蜻蛚吟
閨人載績寒事深
余髮早夜霜根侵
辰乎既往知來今
和寶未剖誰知心
況感物化悲難任
獨有良朋懷所欽
吹笙子晉師堂琴
秋蘇露茹酒可斟
撥霞弄月窮幽尋
好來相就玉山岑

李氏山林呈吳鶴林程滄洲

竹秋細麥登崆峒
雲貌穿駁光曛曠
一日涼燠氣不同

玉堂二老仙才雄乘熏振珮明光宮此時此地欣相逢
柳陰嘶馬拖金狨傾銀行玉炮麟龍湖嵌瀟碧環坐中
笑指池上真珠叢沈烟熏就寶鬲穠飛雷過眼文楸空
偕我卜晝歡沖澍酒酣氣振悲孤蓬詩成灑筆凌飛鴻
三月四日飲蔗竟海棠下

蜀山嵯峨蜀江碧美人如玉多顏色豐肌勝韻天下奇
競艷爭妍意亡極新機錦段翠織成轉盼生光欲傾國
承露仙人靚有香避風皇后嬌無力欲開未開濃復濃

曾注和膏紅琥珀人間風日苦不貸閨苑歸雲誠頃刻
腮花褪盡畫眉長徐娘自負風流格伴眠賣眼擲春心
堂上燭明爭奈得一尊相屬莫相違一年好景當寒食
未多六品誇洛陽解記三須惟沈立

分冬

又酌分冬酒浮沈四十年無風香穗直遙夜燭花圓道
驗芸芽長寒知柏性堅青山黃髮伴猿鶴故相憐

張公洞詩

吾宗仙府洞疑不在人寰鬼吏衣冠肅霓幢隊仗閑醉
歸驢跡滑夾罷鶴飛還最巧罟罟頂空青不可扳

題寶藏寺

頗意西湖寺門前景畧同水流經室北柳入杜橋東鶴
舉連軒白魚跳撥刺紅酒闌吟未穩歸櫂又忽忽

題應山龍湫

扁舟曉趁竹秋風回首前遊夢一同風雨石苔漫古刻
藤蘿烟水闕臨宮鳥聲晝寂聞塵淨花影潭深色界空

毛令向來臨賞處分留詩物到哀翁

東林訪僊

杳杳仙踪不可期依然東老舊林扉石榴醮酒書何在
山薜緣衣畫亦非風定觀中桃欲動月高華表鶴曾歸
扁舟小泊聊乘具趁得春山笋蕨肥

山逢勝處屬僧坊西出城闌去路長一日講臺靈石性
千年劍水動星光田花漠漠初霑雨江葉蕭蕭不待霜
喜共登臨聊把酒癡兒有底為官忙

和信庵留題虎丘韻

椽筆題詩向此山
隄知玉氣潤林巒
光涵絕澗劍花淨
影落中庭月樹寒
春燕巢深金殿隱
晚雲收盡碧天寬
暫携寮吏登臨處
未把風流遜謝安

黃龍洞

水邊遊賞亦無期
物色黃龍洞最奇
歌石倚人看欲倒
斷崖懸樹望猶危
貪幽未覺搜吟苦
歷險寧教步屣遲
客裏忽忽寒食過
柳橋還憶去年時

再用韻

山水清音屬子期，茲遊所得亦多奇。
持心定慧何由雜，著脚平安自不危。
境淨本無塵土沍，春融更覺洞天遲。
歸來夢與神仙遇，說到鴻濛未鑿時。

秋興

水落秋風日夜深，小庭婪露雨愔愔。
鳴鴉忽斂芳林氣，斷鴈猶遺故國音。
吟入古香穿月脅，夢生孤秀出雲心。
年光疊疊成何事，撫鏡搔殘髮一簪。

寒鴉

飛不成行動作羣寒聲歷亂不堪聞
棲深野岸經霜樹
點破江天欲雪雲
昔日字斜濃忽淡
圍風陳急聚還分
有時鷗鷺參差見
一局殘碁欲付君

由後山過李園詩

入眼春濃日自遲
行穿犖确破藩籬
園林勝事能忘酒
風月閒情更有詩
池柳乍開蟬翳葉
井甃重長鶴棲枝
歸來一枕游仙夢
笑指醪醑作後期

述情寄雲麓

去年今日天平路曾侍先生杖屨行春入花租蜂足食
雨殘槐夢蟻逃名貧甘杞鞠知勝肉嬾事衣冠畏入城
自歎早衰身復病惟餘雙眼讀書明

過雲

碧浪湖邊望雲城水高於地欲相吞春風歌鼓家家酒
夜月舟航處處村西塞人歸魚市散東林仙去鶴宮存
往來頻有鷗相識搔首閑汀日又昏

寒食晚眺

馳逐花塵鬢欲華，狂歡憑酒作生涯。
一春行樂多妨雨，三載清明不在家。
暖趣蠶工開柘葉，寒生鳥信落梨花。
水村寂寂人歸後，山崦新烟起焙茶。

和韻菊潭書懷

中年百事念頭疎，始信貧能富不如。
風趁陰晴為冷暖，水浮世界信空虛。
漆園傲吏悲烹鴈，蠻府參軍戲詠魚。
幾度把君吟卷讀，又將閒日半消除。

迎淮東趙大使

相公明詔趣東還，袞烏皇皇萬國觀。
慷慨一時平賊易，辛勤十載護邊難。
沙堤馬上春行印，御柳鶯邊曉繫鞍。
出處自關公大節，書生憂國只蒼攢。

法華山詩

擾擾名場轍迹環，中人自不曾閒樹。
猶如此悲流水，荼罷無言看華山。

春草

一氣中行四序遷不緣栽種綠芊芊江南江北春風夢
詩意蒼茫白髮前

黃龍洞

戍削蒼蒼壁倚天臥龍幽洞不知年白雲粘筆題詩去
重寄相思與鶴仙

紺袖

紺袖香銷寶瑟塵雨悵悵裏碧桃春翠屏睡足空長晝
多少相思夢不真

雜興

雲心長與白鷗期
四十年非只自知
天地無情空費日
水邊照影得新詩

天與汝酒不肯飲
悲憂與我生俱生
暮年陶寫政須此
誰愛區區身後名

越冠齊瑟竟安施
誤矣甘為衆目嗤
百歲能消幾癡點
臨風三歎郢中辭

西田蚤稻喜新獲
西窻白菊憐初開
年光逝水雙鬢改

矯首暮雲人未來

畏酒時猶飲過差重彈長缺怨無家誰能貯椒八百斛
自欲載書三十車

山林蕉萃鬢滄浪夢境浮雲久已忘猶有讀書心未歇
一燈對鶴語更長

鴻漸無茶生病思龜蒙有菊誑饑腸閉門自得安禪法
舉世空求得熱方

庭柏千年解得仙君看霜幹石能堅妄希至道吾何敢

中夜尋思輒廢眠

虛皇來下素雲車
清淨香中誦玉書
一入幽遐超萬劫
明窓塵在死灰如

杜荀鶴去唐風晚
張季鷹歸晉日危
斯人已矣何嗟及
千古論心酒一卮

南窓石瘦竹疎疎
沈水薰殘架上書
旋破月團煎活水
日長留客話清虛

華院寒生小雨過
博山香潤礎雲多
重簾晝寂秋碁罷

自寫牙牌記藥窠

艾葉冥冥姑惡啼
竹花漠漠伯勞飛
畫看對我玉臺鏡
繡眼窺人金縷衣

久聞學道能遺世
故應薪水煩高士
劉安可笑無靈氣
長與仙人守都廡

夜氣蒼蒼白露涼
蛩移哀響入孤床
披衣起立階欄月
一鴈初聞欲斷腸

小李將軍著色山
千金一紙世無傳
閒窻借本工臨寫

去去重看意惘然

一筋秋風菰菜羹
一升雲澤桃花米
吾生有涯何所求
直是愛閒多病耳

三間茅屋萬松間
自障春泥斷往還
時對月明搔技癢
風傳幽曲到人寰

大梁在東不架屋
牽牛在西不服箱
翟公書門固已錯
貧賤自昔交情長

曉汲銀牀洗碧泚
緩搖桂露和朱調
魯公書帖閒張壁

披拂清風坐獨謠

不假兵戎取蜀方孔明才畧輔關張區區尚欲爭天下
只送胡孫入布囊

昔會仙人曲靜中赤藤斜挂眎白龍狡獪變化不可詰
颺車忽駕蓬萊東

漫漫長天捲樹風御冬無具百憂中癡兒強挽爺須說
門外題詩柿葉紅

離思重題金谷字閒情獨擬玉川詩霜橫詩閣相期夜

月滿南溪始泛時

東屯茅屋竄松鼠南谷荒村啼竹鷄萬里乾坤雙不借
百年風月幾偏提

海棠

別種昌州最有聲十分顏色雨初晴錦幃睡起嬌無力
羞見銀臺畫燭明

小窓即事

白雪香浮蟹眼圓紫雲光冷鼠須乾倉庚怨雨庭春晚

玄乙窺簾花晝寒

虎丘

曼陀石上無根樹
歷歷生公說法餘
劍水一泓清徹底
至今人說有龍居

江湖後集卷二十一